



BARANGAN peniaga warga asing yang disita DBKL.

## *Tujuh penjaja warga asing kena tindakan*

**Kuala Lumpur:** Tujuh penjaja warga asing tanpa lesen dikenakan tindakan oleh Dewan Bandaraya Kuala Lumpur (DBKL) di sekitar ibu kota di sini, Jumaat lalu.

DBKL dalam satu kenyataan berkata, tindakan itu dilakukan melalui Jabatan Penguatkuasaan terhadap

penjaja warga asing di Jalan Leboh Pudu dan Jalan Tun Tan Siew Sin serta Jalan Petaling di sini.

Menurutnya, sebanyak tujuh tindakan sita dilakukan terhadap penjaja warga asing yang menjalankan perniagaan tanpa lesen mengikut Undang-Undang Kecil (UUK)

Pelesenan Penjaja (WPKL) 2016.

“Semua barangan yang dikenakan tindakan sita dibawa ke Setor Sitaan Jalan Lombong, Taman Miharja, Cheras untuk tindakan rekod dan dokumentasi,” katanya.

Kenyataan itu berkata, pihaknya akan menerus-

kan tindakan dan pemantauan dari semasa ke semasa di lokasi tumpuan yang dikenal pasti.

“Untuk menyampaikan sebarang aduan, orang awam boleh berhubung atau menyalurkan maklumat di pautan <https://adukl.dbkl.gov.my>,” katanya.